

定南廳志

定南廳志

風俗

風能動物俗每移入剛柔美惡與地相因古來太史採詩上陳定僻南服閩粵比鄰閭閻行習有疵有醇國家大化躋世如春重熙累洽遐邇維均統歸仁厚志切遵循志風俗

朱志

民惟力耕無商賈之聚貿遷之息勤於治生而疎於致富故鄉曲有溫厚之家而亦鮮千金之子然好義急公從無逋賦

定南廳志

卷六

風俗

一

婦女勤紡績戒嬉遊貧者採薪負水不辭勞瘁苧綿衣服皆家自爲之亦善績葛布極細嫩然所出甚少喜讀書山谷小村各有童塾子弟至七歲卽延師啓蒙士務實修鮮走聲氣爲文尙清真而通今學古亦不乏焉

屋宇器用服物飲食皆尙簡樸衣冠之家與村堡俱從儉約

冠禮鮮行俗惟受室之前日集親朋尊長以冠加其首醮於堂而命之字有三加彌□之遺意焉

婚禮少幣帛而有傳庚小聘大聘報日迎娘拜堂諸名色蓋依於納采問名納幣納吉親迎廟見之意猶事之近古者也

喪葬信浮屠誦經禮懺名爲超度非是則以爲薄其親間有不用僧道而行家奠禮者但親戚祭弔或穿吉服以侈美觀亦不免失禮

好談風水多惑形家言清明冬至改葬者紛紛夫勸禁頻仍牧斯土者化導亦勤矣何此俗竟牢不可破焉不可解也

定南廳志

卷六

風俗

二

疾病罕事醫藥崇尚鬼巫曰設鬼曰和煞曰保福曰退病紛紛不一昔人云越人信鬼殆風氣然歟

土著者重去其鄉族居鱗聚上下內外之別最嚴謹婦出入必戴帽檐不露面首亦得冶容誨淫之戒也

重報本族必有祭田以供祀費不得私相買賣春秋各於家祠祭祖清明冬至拜醮祖瑩歲以爲常

元日陳香燭酒菓拜祖宗家神然後拜父母兄長占利向出行親朋整衣冠往來相慶日拜年十五慶燈曰元宵

每月初二爲社期各村具牲酒以祀土穀之神由鄉約之禁藉神惠以飲酒猶有里社賓朋遺意

端午懸蒲艾划龍船食角黍中秋市月餅慶月重陽薦茱萸酒登高

臘月廿四爲小年除夕爲大年各家團聚歡飲曰過年多神會凡家居奉祀及鄉鎮廟宇皆有會惟二月十九觀音會五月十三關帝會爲尤勝至庵場寺觀朝佛燒香男女混雜則無此事也

村坊多義塚每歲清明冬至斂貲具牲帛至塚祭醮有

定南廳志

卷六

風俗

三

古仁厚風

人情好任俠而少容忍睚眦小釁必與校及到公庭略加挫抑則帖然自悔

舊志論曰朝廷有教化而後天下有風俗自古記之矣定南嶺北之鄙往隸各邑自創縣以來長吏以禮法維持駸駸然蒸於古昔向學循禮大異乎曩時由此長得賢有司通民好惡與之導上不易教下不易俗雖古淳龐何以加此

論曰動物之謂風漸染而成俗大則千里百里之

內小則一鄉一里之間隨地而異近者相似遠者絕殊此風俗然也定南界在嶺南北間風俗有吳粵之雜凡人事之文而雅者吳也人事之樸而陋者粵也然此大槩與鄰邑同細別之高砂下歷橫江本龍南地其風俗頗類龍南多剛悍負氣伯洪大小石本安遠地其風俗頗類安遠多柔順循謹潭慶本信豐地其風俗頗類信豐多沉重安逸至於土瘠民貧事從簡質一切無所紛華奉法急公少頑梗則大抵皆然我

定南廳志

卷六

風俗

四

朝道化翔洽萬里之外一道同風然而生齒旣繁人事日益傷風敗俗之倫恐卽生於其間夫俗成於下而風亦豈必專出之自上哉匹夫而化鄉人一言而爲世法居斯地者可弗共相砥礪於以永保敦龐乎

朱志

物產

天時地氣萬物滋生飛潛動植莫罄識名土宜是辨
品類順成不貴異物用物駢呈取攜自近隨厥虛盈
定雖瘠壤樹畜有經因其所出條別重輕人惟寶愛
心臧利亨志物產 朱志

穀屬

粘 早晚廿餘種 秔 二種 糯 早晚十餘種 其佳者則早禾之紅莖早
象牙早鐵脚糯晚禾之鯽魚串矮齊觀音粘大糯其
一種名芟滋禾合早晚二種播之刈早稻後不耙不

定南廳志

卷六

物產

五

耘不再播而晚禾自生惰農圖省工糞時亦為之然
梗粗根巨一二年後腴田變為瘠壤反足為害是則
所宜禁者

粟屬

膏梁 鴨踏粟 搦拳粟 黃粟 包粟

麥屬

穀麥米麥大冬麥酣麥苦麥五種不甚佳不藝於田恐
妨早稻播種也

菽屬

黃豆 綠豆 黑豆 赤豆 飯豆赤白二種 珍珠豆

扁豆 刀豆 粽子黃 烏光豆 大青豆 地豆

鎖匙豆 狗爪豆 六月報收於青黃交接之際貧民藉以濟活故此種為多

蔴屬

油蔴 黑白二種

瓜屬

冬瓜 黃瓜 絲瓜 苦瓜 金瓜 土瓜 節瓜 瓠

蔬屬

葱 蒜 藟 蕪 芹山水二種 葵 薑 芥 莧 茄

定南廳志

卷六

物產

六

笋 一菠菱 芥蘭 蘿蔔 苧蒿 蕪菜 薯

芋 一蕃薯 白菜 蒼蓬

果屬

桃 梅 李 梨 棗 柿 橙 橘 柚 石榴

栗 香櫞 佛手柑 珍珠李 金柑 藤葡萄

銀杏 鷄心柿 枇杷 枳椇 楊梅 葡萄

藥屬

葳靈仙 金櫻子 草決明 山茱萸 金星草

蒼耳 天門冬 益母草 石菖蒲 金銀花

艾 葛根 雙鈎藤 苦練子 車前子 木賊

地骨皮 五加皮 山藥 常山 紫蘓 薄荷

茴香 梔子 射干 南星 黃精 遠志 黃蘗

枳壳 禹餘糧 淡竹葉 花椒 山漆 石斛

狗脊 薏苡

竹屬

苗竹 篁竹 方竹 筠竹 棕竹 紫竹 苦竹

木屬

松 杉 柏 楓 柯 楊 柳 樟 木梓 榕

定南廳志

卷六

物產

七

桂 有四季

棕櫚 梅 槐 梧桐 冬青 蠟樹

桑 漆 黃檀 櫟 烏柏 油桐

革屬

鳳尾 芭蕉 避火蕉 蘆 茅 蓼艾 淡巴菰

花屬

鷄冠 鳳仙 玉簪 海棠 紫荊 木筆 木槿

薔薇 石榴 蘭 山榴 山茶 蒼蘆 寶珠

月季 瑞香 菊 紫薇 洋茶 珠蘭 蝴蝶

荷 蕙 木芙蓉 滿天星 夜來香

畜產

水牛 黃牛 犬 豕 貓 鷄 鵝 鴨

山禽

鷓鴣 斑鳩 竹鷄 鵲 鴿 鷄 黃鸝 白頭公

雉 鷹 烏鴉 鵲鴿 鸚鵡 鶻 鶻 畫眉

瓦雀 翡翠 白鷗 青鷗 出歸美山見

獸屬

虎 豹 兔 麕 麋 麇 獺 豪豬 野豬

田狗 田豬

定南廳志

卷六

物產

八

鱗屬

鯉 鯽 鱖 鮫 鯽 鯽 鱖 鱖 鱖 石斑

鮪 白鱈 白魚 鮓魚 鈎鱖

介屬

龜 鼈 螺 蚌 蝦 蟹 鱗鯉 一名甲穿山

虫屬

蠶蛾 不異羅浮 尺蠖 蝸牛 蚱蜢 蜈蚣 蜚蠊

莎鷄 石蜃 蜜蜂 蜻蜓 蝴蝶 螢 蚊 蛇

布屬

棉布 苧布 葛布 蕉布 繭

貨屬

茶 木梓油 桐油 苧蔴 爆竹 草紙 蔴粉靛

舊志論曰物之產也天時生之地利養之生民衣食器用所由出也定南厥土瘠磽無地產惟耕田出稻然貧民一歲所樹苟無荒歉僅可足食萬山重疊宜乎合抱之材甲他郡然地少杉木建設之初已稱乏材中間修建廨宇採買於粵邑肩運可謂苦矣至若瓜菓畜產以及草木之

根莖花實有切於民用者稍稍列於篇中以待任民者度焉然中亦多名存而實亡古職方氏之所棄也守牧者慎毋徇名爲邑病哉

軍政

司馬有掌是統六師以平邦國四方底綏治益求治武備不弛維茲定域處贛邊陲設營置汛相地所宜軍將卒伍訓練惟時風高虎帳日麗龍旂億萬千載共樂恬熙志軍政

朱志

按嘉靖四十五年城下歷卽有贛州府捕盜通判主簿鎮守之兵及土兵蓮塘鎮卽有巡檢協守之兵隆慶三年建定南縣設新縣機兵撤鎮守兵巡檢兵歸下歷五年設各堡鄉兵崇正元年移安遠太平營於

定南廳志

卷六

軍政

十

下歷

國朝順治九年移龍南橫岡營於下歷是時機兵已裁至十三年又裁太平營至康熙十六年賊平之後鄉兵亦罷而橫岡營始永爲下歷鎮守之兵矣

機兵

嘉靖四十五年平下歷後都御史吳公百朋題奉欽依於下歷築城建館移置捕盜通判主簿統兵五百名并土兵專一駐劄給以本府軍餉繼而都御史張翀復准新民鍾仕任等告立縣治題請將原調鎮守

下歷通判主簿仍回原任□□原發機兵土兵盡行裁革新縣機兵仍於土兵數內選充時知縣陳瀾奉知府黃公宸檄簡機兵二百名每名工食銀五兩二錢遇閏每名增銀四錢三分三釐三毫議於龍南信豐二縣各協濟一百名萬歷六年知縣鄒兆陽見廣東惠州府時有警報申文將龍南每歲解府減兵銀四百三十兩益以本府兵餉銀九十兩發縣添募機兵一百名并何爲三百名又詳差役增捕兵十二名後卽於機兵三百名內選用每年協濟工食銀信豐

縣該銀五百三十三兩龍南縣故銀九百六十二兩又本府兵餉銀九十兩遇□增加在外萬歷八年猴嶺賊鮑時香將犯縣境知縣劉世懋中請贛營教師徐勇來縣訓教團練萬歷十一年知縣章瑩奉院道文汰去老弱□□壯丁頂補檄典史楊璽每月初二十六親赴教場督各兵比試武藝萬歷十二年院道議將府兵餉銀九十兩改於鹽稅內支給至萬歷四十八年防守差操民壯裁去五十三名存二百一十五名應捕兵裁去二名存十名

國朝順治六年因各縣協濟機捕工食積逋不給民壯皆散旋奉議裁革改立梁夫二十名康熙十五年裁梁夫仍存民壯三十名雍正二年加至五十名六年裁三十名乾隆六年復裁五名現在十五名三十一年奉文學習烏鎗四十二年奉文停烏鎗學習弓箭鎗刀技藝工食外每年每名有修理器械銀二兩

舊志論曰天生五材誰能去兵固非治世之所諱言者况定南以孤城而處萬山之中非兵其何能邑顧糜官錢而無實用則亦奚貴於兵耶竊

觀建縣之初去客兵而募土著法約禁省得寓兵於農初意最爲可久之模厥後法制稍弛弊竇益開有寄名行伍而別求營爲者有老弱家丁而濫膺缺數者有異鄉竄惰而偷食者有在官人役而包充者安望其精技藝講武備哉若驅之使戰有不股慄而懼望風而靡者幾希矣頻歲以來得先後長吏暨督捕諸君慎其簡閱時其訓練老弱者汰之竄情者警之包充冒頂之弊一洗而剔之則荷戈負戟之士皆有勇知

方之民以之卽戎孤城其克壯乎

按論言先後長吏暨督捕簡閱訓練正指萬歷時事則此論猶是章瑩創志時原文也第當日機兵之數至三百之多而所得餉銀每名僅五兩二錢不知其何以足食也

朱志

鄉兵

隆慶三年建縣撤下歷鎮兵而土兵亦議裁革六年廣東翁源賊潘子正官三子叛都御史李棠親督兵由龍南過翁源駐韶州府檄知縣陳時範圍練鄉

定南廳志

卷六

軍政

十三

兵防禦高砂堡附郭鄉兵一百五十名練於教場下歷堡鄉兵一百名練於太平岡操場橫江堡鄉兵一百名練於車步操場潭慶堡鄉兵一百名練於逕腦操場大石小石伯洪三堡鄉兵三百名練於兩口塘操場七年都御史劉思問檄縣修四處操場以便團練萬歷八年龍川賊鮑時秀將犯大小石伯洪贛營兵亦移鎮信豐各縣皆集兵防禦惟定南有四隘適當衝要知縣劉世懋僉立隘總各領兵把截仍親詣各隘督禦時秀聞兵威奔遁就擒十一年知縣章瑩

杳出磨刀左路舊隘名曰桐坑路通龍川長寧等處
另立隘總分領小石堡兵守之

國朝順治六年廣賊盤踞大石高砂七堡九年十月知
縣祝天壽以隘總止堪領兵守隘不能顧一堡之首
尾十三年四月奉虔院佟公七堡各設練總統馭鄉
兵以時訓練遇警率令剿禦從此民知戰守之方庶
幾有備而無患也

舊志論曰是邑機兵三百名衆非不多矣而地方
有警其效之速尤莫捷於鄉兵者何也蓋縣治

去各鄉遠甚機兵之設僅可以守城池焉耳豈
有空城而遠調哉是鄉兵之練所以濟機兵之
不及實經常久遠之猷世之談兵者乃曰鄉兵
非素嫻方略必不可以常勝額兵之外非召募
客兵不可以取勝殊不知亡命之徒其賈勇逞
能雖若賢於土著而玩寇擾民實則甚於盜賊
若鄉兵則桑梓在念必無攘奪之奸家室繫心
益堅防禦之力有事則吾民卽吾兵無事則吾
兵卽吾民以此視彼其利害之什伯爲何如耶

當事者慎毋使客兵爲土人患也

演武場

在廳東門外隆慶三年建中爲將臺扁曰奉揚天威萬歷九年典史李學敏增操亭左右耳房一間并築四圍有大門十二年知縣章瑩重修扁曰細柳春營旗竿一座基址直三十五丈橫二十一丈後賊燬

太平岡操場

在下歷堡距廳四十里舊名老虎岡知府黃公宸

定南廳志

卷六

軍政

十五

改名太平隆慶五年知縣陳時範奉都御史劉公思問檄建先是都御史李崇議練鄉兵而未有團總之所繼而劉公來總是鎮依本府黃公學海議檄縣擇各鄉之適中處所建立操場凡四各有操亭一棟中爲官廳左右翼以兩房四圍俱築土墻有大門旗竿一座

車步操場在橫江堡距廳六十里

兩口塘操場在小石堡距廳一百里

乾隆二十四年縣令胡澤洪丈過橫直一百四十八丈給照士民郭用裘黃恒愉黃怡亭頂納稅錢

七百四十文給該左右民照依公地管業豎造其不
姓地墳一穴前後左右限空丈弓各二弓此外不
許居民藉私
阻佔

逕腦操場在潭慶堡距廳一百里

畱輦隘操場在大石堡龍塘古寺右側岡上上以僧

田下以路左以寺右以胡宅田爲界

舊志論曰教場之設凡縣邑皆有之而定南增其

四創設何獨異耶蓋建縣之初議設鎮守公館

於下歷而客兵騷擾反爲地方之蠹故中丞李

公有練鄉兵之議劉公因建立操場俾鄉民有

定南廳志

卷六

軍政

十六

講武之地而客兵遂以撤去後先經營無非期
底於治安而已至於奉將德意而區畫之周詳
則陳令時範之功居多矣後之長吏其所以固
吾圉者能不一振揚之耶

營房

卽官店凡四處一在衙背街三十間一在北樓下四
十七間一在府館背二十間一在城隍廟前三間共
一百間隆慶五年知縣陳時範見城中人煙稀少陰
霾氣勝雖機兵二百俱散各堡居住操練之期方赴

聽候欲令自行豎造而新民力薄議將城中空地官
建營房一百間責令各兵攜家入城居住請於都御
史殷公從儉檄下府道云新民新邑必俾有受塵之
地庶生聚日衆而城池不致空虛事屬千百年治安
豈宜惜費議於府庫雜稅銀內動支四百九十八兩
九錢八分解發到縣後因本縣人民爭論地基將前
銀解回仍貯府庫至萬歷三年知縣洪可弼奉都御
史李公棠檄云反側之地防備宜嚴該縣之欲建營
房欲安反側之心耳然因其言而遂止則非也其銀

既經前院批允動支仍貯縣再議詳定厥後反復申
議俱以建營房爲是遂動支前銀興工豎造未幾知
縣洪可弼卒署縣事本府經歷杜棟於內先動支銀
二百二十九兩六錢造報四十間餘存二百六十九
兩三錢八分萬歷五年知縣彭寧造完六十間共成
一百間六年知縣鄒兆陽申議增兵一百名而營房
益少八年倒壞二十四間知縣劉世懋申請修整十
一年倒二十七間各兵赴告知縣章瑩申詳節省工
料通融改建

舊志論曰定南三家之市耳當日之建城於此者夫亦謂隔溪卽岑陵之地就近得以制禦之顧市井寂寞戶口稀疏使非三百名之衆其何以成縣治此官店之作所以爲棲兵計而亦所以爲成邑計也古者寓兵於農而此則寓民於兵故必定其居處優其廩餼使仰事俯育之有資然後兵食足而城守裕然此特前人周詳於必不得已而姑爲生聚之漸之計乎

隘口

定南廳志

卷六

軍政

十八

羊陂隘在高砂堡通龍南和平

鴉鵲隘在下歷堡通和平賊平廢今爲店房墟市每年徵租銀十兩二錢七分一釐解司庫

磨刀隘在大石堡通和平下車賊平廢今每年徵租銀九錢五分解司庫

劉峯隘在大石堡通龍川賊平廢今每年徵租銀三錢八分四釐解司庫

桐坑隘在小石堡通龍川長寧賊平廢今每年徵租銀七錢九分四釐解司庫

□魚逕腦隘在潭慶堡通信豐

按紀事年表嘉靖二十八年都御史喻公智增設龍南等處關隘萬歷八年龍川猴嶺賊鮑時秀叛知縣劉世懋立羊陂磨刀劉輦鴉鵲四隘隘總劉清澗陳尙星徐元洪葉崇卿各督鄉兵百餘把截時秀懼不敢侵犯嶺以北皆獲安靖則四隘之爲功大矣又鄉兵條內萬歷十一年知縣章瑩查出磨刀左路舊隘名曰桐坑路通長寧龍川等處另立隘總領小石鄉兵防禦而圓魚逕腦專扼信豐一

定南廳志

卷六

軍政

十九

路是皆必守之要害自康熙十五年後羣盜剗削消磨諸隘皆爲休養生息之地迄今百餘年人民樂業安享太平類而志之非特治不忘亂亦足見我

朝功德廣被其深且久有如此云

朱志

太平營

下歷一城原係巡檢司駐劄並無營也因崇正元年廣賊蘇丫婁之亂移安遠太平營兵五百名鎮守下歷而下歷巡檢移駐於龍南冬桃隘其營兵餉銀出

自南雄府太平橋稅每年共五千七百五十兩齎解
虔院封發定南縣官轉給各兵其兵官係虔院劄委
仍令定南縣官節制其官其兵其餉經制俱所不載
此太平營所自始也至我

清朝虔城重鎮威鎮山陬下歷小營可以不設於是官裁
矣兵散矣餉革矣此太平營之所自終也

舊志論曰下歷爲定南適中之地民居環繞誠安
土也因蘇丫婁之亂移太平營以駐防乃其暫
耳迨我

定南廳志

卷六

軍政

二十

清裁營革餉散浮冒以佐軍國之需去太平之間缺
留橫岡之要地主議者可謂深明緩急之道矣

橫岡營

橫岡營原係龍南太平堡地逼近九連山

國初設立營所順治九年縣令祝天壽權請移鎮下歷
以壯聲援仍署橫岡營職銜後遂留永鎮原設守備
一員把總一員馬步戰守官兵三百二名康熙二十
一年奉裁一百名三十四年復裁七名又裁二名止
一百九十三名內守備十名把總四名□□一名公

費五名馬戰兵十六名步戰兵二十四名守兵一百三十三名計實兵一百七十三名雍正六年添設外委一員協防下歷城汛十一年改守備爲都司乾隆四十八年奉文裁官弁虛兵十五名內撥隸撫標右營八名刪除公費五名補復實兵七名馬戰兵并外委十七名步戰兵三十四名守兵一百二十九名計實兵一百八十名把總原在下歷順治十五年縣令祝天壽看得定南孑然孤城南門隔河卽粵境詳請撫院虔鎮咨 部移把總駐防廳城帶兵六十名東

定南廳志

卷六

軍政

二十一

西南三城門每門撥兵六名住宿城樓圓魚逕汛撥兵十名駐防

營署防汛

都司署在下歷司城內卽舊鎮守公館濶十九丈長三十二丈共四十一間乾隆八年修造二堂至儀門共十間

把總署在廳城內分司前

外委協防在下歷城內

圓魚逕尾汛雍正六年把總陳道旺捐俸建造

卡房一間在廳署外社倉後撥兵一名看守道光五年重修

官兵俸餉

都司歲支俸薪蔬菜燭炭紙張馬乾共銀一百九十八兩九錢九分四厘遇閏加馬乾四兩八錢

把總歲支俸薪馬乾共銀七十四兩八錢遇閏加馬乾二兩四錢

馬戰兵十七名內外委一員每名歲支餉銀二十四兩每馬乾十四兩四錢步戰兵三十四名每名歲

支餉銀十八兩守兵一百二十九名每名歲支餉銀十二兩合共歲支銀二千八百一十二兩八錢遇閏加餉一月馬乾一月

以上官兵一百八十二員名歲餉三千零八十六兩五錢九分四釐每小建都司扣銀五錢五分二釐七毫五絲六忽四微把總扣銀一錢七分九釐尤臺九絲九忽馬兵每名扣銀一錢零六釐六毫六絲二忽戰兵每名扣銀五分守兵每名扣銀三分三釐三毫三絲三忽其銀正月至八月贛關支

九月至十二月藩庫請領

養廉

都司二百六十兩

把總九十兩

外委一十八兩每年另文赴藩庫請領

兵糈

橫岡營額設兵丁一百八十名內外委一名歲需米六百四十八石每月五十四石月小五十二石二斗向係寧都州解米至贛郡貯倉該營赴郡倉及贛縣

定南廳志

卷六

軍政

二三

倉支領回營散給乾隆二十九年六月前撫憲輔條奏就近支放兵米便兵食而節運費一摺奉

旨依議經前縣黃恂議詳於三十年春季爲始在常平倉額穀內碾米給放而寧都州改徵折色每石一兩三錢每年分半解貯道庫其春夏二季銀年底領秋冬二季銀次年五六月間領秋收買穀補倉每年扣存小建及該營截曠遇閏將建曠米若干不敷支給外卽於二十九年寧都州撥補存倉改折米三百四十七石八斗三升內湊支閏月兵糧嘉慶十九年同知

鞠純德及有營各縣均以一兩三錢買米不敷未免
賠累合詳 撫憲先 奏准每石增銀七錢奉文於
嘉慶二十年正月起每米一石給銀二兩遞年寧都
州批解道庫銀一千二百九十六兩由本廳具文請
領按月給發

論曰自井田廢而兵養於官兵餉兵糈皆仰給於
上而民無事焉橫岡營兵米舊從他邑轉運乾隆
隆間當事以輓輸維艱請改折色發價於廳廳
以常平穀碾米支放屆秋買補還倉不知常平

原爲救荒而設豈容一日偶虧定南萬山線田
產穀無幾舟楫不通採買奚自勢不得不責之
民間顧生齒日繁今昔異勢以一兩三錢之價買
盈石之米承買者往往無穀繳倉追呼押比而
民受其累矣迨至支放多而買補少倉貯由是
而空勢又不得不依時價折給而官受賠累矣
時價已昂支放失期後季迭臨而前季猶未給
發枵腹戒行頻呼庚癸而兵且爲之困矣向非
撫臺先 請准增價以給兵其累可勝言哉

橫岡營軍裝器械數目

鐵花盔甲一十七副
鐵盔素甲三十九副

鐵盔棉甲一百十二副
號帽一百六十七頂

號褂一百四十六件
滾衣圍腰套褲二十一副

戰箭二千八十枝
烏鎗九十一桿

籐牌十六面
牌刀十六口

挑刀四把
大刀二把

鈎鎌二把
雙手帶刀二把

大旗四面
紅旗四面

定南廳志

卷六

軍政

二五

五色號令旗五面
先鋒旗四面

什長旗二十面
母子砲一位子砲五箇

過山鳥二位
夾帳房十九項

鐵鋤七十六箇
鐵鋤鋤斧鎌刀各十九張

銅鑼鍋十九口
涼篷一頂

腰刀一百三十三口
海螺十箇

火藥一千五百觔
鉛觔一千五百觔

各兵自備什物

弓五十六張
撒袋五十六副

把箭二百九十七枝

腰刀一百六十八口

論曰橫岡營設於龍南本爲要鎮及移駐下歷遂不復還豈下歷之尤要於彼哉蓋是時此方擾攘彼稍安寧亦常留兵防汛及移駐旣久彼之營房已廢而難修此之兵丁已多爲土著且時方太平是以康熙四年龍南士民雖曾請復乾隆年間定南縣令亦欲申議移還而前後上憲皆格而不行者以定南實龍信安三邑適中之地建定南本以爲三邑倘無下歷重鎮以壯

定南廳志

卷六

軍政

二六

聲援則廳治究屬孤懸何以彈壓和平龍川而固三邑之疆圉哉是知橫岡營之永立於下歷前後諸公所見應自同揆誠未可以輕議也今故溯其緣起詳其規額以明制置之度若夫糧餉之豐軍裝器械之備亦並錄之用見

朝廷優卹之恩上憲考稽之意而且養之厚教之詳而未嘗一試於艱危之地爲兵丁者庶幾不驕不惰矢公忠而圖報効矣乎

朱志

童子岡營房

康熙六年建童子岡營房奉贛南總兵姚委陳中軍至定南相度形勢險要立汛看得大石堡童子岡隔河卽和平下車烏虎鎮凡值世亂六坊黃沙赤石窠賊卽烏合於下車墟知縣馬文繡設築土圍一座建立衙宇兵房八十間移橫岡營百總一員領兵一百名防守於此

按童子岡與磨刀隘相去不遠而尤逼下車烏虎鎮賊所聚集之地故特立營房以守之此汛實與城汛相爲首尾其重與城汛同賊平久廢附於此以

時防守者實橫岡營兵將也

朱志

定南廳志

兵寇

除稂去莠嘉禾遂生誅鯨斬鱷海宇聿平定居山谷
草竊易萌跳梁咆哮選師用征邑鎮控制安輯編氓
天威震疊久道化成櫬槍淨掃桴鼓不驚畏神服教萬年

永清志兵寇

宋元無考

明自洪武以至成化年間地方變故詳載龍南安遠信
豐邑志

定南廳志

卷六

兵寇

二八

正德三年戊辰程鄉賊鍾仕高陳玉良出劫安遠信豐
叅議俞諫計擒諸賊平之

五年安遠賊藍景出劫

六年安遠賊何積玉葉芳出劫

七年龍南賊黃秀琦謝越賴振祿出劫

九年龍南賊黃秀琦黃金巢出劫

十一年龍南賊賴振祿出劫

十二年春正月泃頭賊池仲容流劫始興翁源龍川信
豐安遠龍南其慘

十三年冬閏十有二月都御史王守仁執泃頭賊池仲容遂進兵勦滅之

高砂之界曰泃頭水其旁皆崇山絕壑諸不軌咸盤踞其間正德以來有賊池仲容俗呼池大鬚尤兇惡其次者四十餘人皆有徒數百肆出剽掠而龍南信豐安遠以密邇受毒最慘王公使辯士周祥諭其黨黃金巢等得降者五百人仲容獨不從及聞橫水破始懼遣弟仲安率二百人助桶岡之役功成還至上猶縣王公欲以計生致仲容適龍

川招民盧珂者狀容夙惡王公祥怒珂械贛獄仲安大喜乃給之曰汝隨征有功彼乃汝嫉耳宜急持予符去呼汝兄及爲珂誣者皆來當爲汝白之仲容信焉率其衆四十餘人以閏十二月二十一日至皆珂所訟渠首也王公乃密檄諸省以期會兵仍諭贛城賊平定大張樂戲爲樂使人館伴仲容等觀之以遲其歸明年正月三日乃入仲容等於庭令以序受犒後先出至路折處暗號一舉賊盡殲焉七日率兵詣泃而諸省兵已集遂搗其巢

滅之餘黨竄入九連山

嘉靖三十年辛亥十一月岑岡賊李鑑搆亂都御史張烜集兵討之

和平岑岡新民李鑑舊爲池大鬚賊黨脫罪招集所部越高砂堡行劫義民謝碧集鄉勇禦之碧男允椿奮戰衆潰被殺碧憤激奉軍門票率眾直衝其巢斬級甚多大獲功賞鑑懷仇招集亡叛越二年突圍丁坊殺謝碧家屬三百餘口日豎旗整衆大肆猖獗和平縣官請兵勦除張公乃集各官及

諸致政耆舊會議咸曰宜勦遂發營兵二千名委指揮來熙經歷吳保千戶楊威宋恩等領之又行令龍南安遠信豐和平河源長樂程鄉等縣及新民葉金等各領鄉民克期於十二月十二日進攻巢穴以贛州監稅并上杭河稅銀兩委汀州知府洪範給餉軍前又命南安知府虞文詡召募峯山弩手漳州知府盧璧召募海滄兵以爲後繼十二月官兵攻岑岡賊殺千長葉金等潰圍出諸路兵各以限畢集汛地取路進攻賊見四圍兵

集俱併入岑岡犬窠有高砂千長陳貴爵潛與賊通易我軍號旗色誘執千長宋恩哨官唐孟晃等以緩我師至十五日各哨方得齊會進兵黃鄉千長葉金奮勇先舉衝破賊窠各哨兵鼓噪而入俘獲頗多奪回宋恩等三員并被擄民一百四十六名賊遁留伏兵二十餘披帶我軍號色混入軍中殺千長葉金百長葉寶等七人我軍少卻遂潰圍出十七日我兵追賊敗之於東坑斬賊首袁世立等二顆俘獲八名二十日夜賊使張士成等劫營

我軍擒之二十二日敗之於青草洲擒賊總飛天雁等四名二十三日敗之於梅子山擒賊總穿山龍等二名賊黨三人二十四日追敗於五花嶂互有殺傷二十七日賊遁翁源據險我軍追至與之相持二十九日與賊交鋒斬首十顆獲賊五人自是連日追捕陸續各有擒斬賊始謀遁時韶州同知包燿防遏賊不得前復轉五里舖峯山峯山弩手射賊死者一十三人賊遂驚奔敗之於杉木於鉛廠於關田於寒峒於峽逕賊勢少衰又被陳貴

爵誘露號色賊混我軍殺傷及死者四十餘人貴爵用危言恐衆各哨解體外遁者多事機再壞奸逆之罪不可逭矣

三十一年正月誅逆黨陳貴爵都御史張烜親督兵於南康

貴爵逆謀既露龍南知縣施廷美本府經歷吳保等乃因人心爲順導之計召老人劉湘千長謝允樟及其弟陳貴康諭以朝廷大法示以滅宗赤族之禍貴康乃謀以大義滅親遂斬貴爵及其子四

人并從余仁珠首級六顆函送軍門乃下安慰之命釋其餘黨令再整義兵從征以蓋前愆烜遂移鎮南安以同知王輔爲叅謀兼理糧餉指揮孟詔馮英隨軍效用兵備副使潘恩移駐南安府監兵賊退據沙溪我軍敗之斬首五十級生擒一十四人初四日賊襲我軍於穩下搶指揮金爵爲質使賊黨楊月亮乞招不許初七日漳州通判謝承志贊畫邵應魁等遂率海滄兵至時賊求招甚切欲許之恐其詐乃遣南安府推官洗沂如賊窠按其

眞僞謝承志邵應魁以兵繼之既而望見官兵旗幟疑爲襲已也遂死戰我兵未及成列遽與交鋒致沂承志應魁俱被圍擁而去

四月賊黨李子文以李文彪首級獻乞降許之

陳貴爵旣誅賊無外應求招甚切乃遣指揮謝勅如賊窠諭以殲滅首惡開釋脅從之令賊黨李子文陰謀於各賊以其狀貌似李文彪者押至勅前斬之函其首并釋被擄官員詣軍門乞降遂撤兵招撫後察知其僞仍遣入窠切責招總張仕誠等

定南廳志

卷六

兵寇

三三

李子文又陰令文彪亡命仕誠等恨之共將子文機送軍門拷問得實死於獄

六月岑岡寇平

自官兵破窠以來雖未獲全勝而各處邀擊斬獲頗多賊亦從而求撫事遂平

三十六年春下歷賊賴清規叛數百里皆被脅從

清規本平民泐頭之役從征有功後以命案干連恃獷拒捕不二年竟爲渠魁數百里衆皆烏合遂成地方大變

秋岑岡賊李文祿復出劫

李鑑子

三十八年春岑岡賊李文彪合下歷高砂汶龍等窠出劫

四十一年各堡良民趨各縣城避亂

三窠既變從亂者什九從良者什一故各堡之民潔身去亂者最高改行從善者次之其怙終不悛者則自取滅亡也

四十二年二月逕腦賊鄧東湖叛合下歷高砂汶龍諸窠出劫

定南廳志

卷六

兵寇

三四

東湖亦良民至是叛逕腦爲諸峒咽喉先是鄰邑居民多與聯姻故得豫聞寇變清野以避至東湖交通心腹導引深入流毒最慘

四十三年十二月叅將蔡汝蘭計誅逕腦賊鄧東湖兼程進兵盡屠其黨

四十四年三月賴清規等流劫信豐會昌安遠等處官兵敗之

四十五年丙寅六月都御史吳百朋移鎮信豐親督叅將蔡汝蘭領官兵大破下歷誅賴清規平之

清規既亂色據遼廣吳公會議行勦先委贛州府知府黃宸詣窠祥撫以弛其備清規見郡守推誠卽率衆待命開闢逕腦等路親送出境吳公乘其懈遂移鎮信豐親督叅將蔡汝蘭仍管安遠縣事同知李多祚坐營都指揮王汝澄萬安營守備董龍長砂營把總暴以平各部兵共四萬三千餘員名分守嶺北道叅政蔡公文綜理糧餉兵備叅政李公佑往來各營監督汝蘭等遵依於六月初二日自龍南安遠信豐起營分定哨道星夜繼進初

三日以平等領浙苗兵各一枝攻楊梅牌以斷下歷右臂初四日滑規糾各窠賊黨七千餘徒迎敵下歷一戰卽搗其窠官兵進奪神仙嶺險隘清規率衆奔聚鐵爐坑大窠負固拒敵吳公飛檄催督黃鄉葉楷等兵剋期於十三夜率衆衝賊窠衆兵聽令奮勇合圍賊徒死傷不計其數拋棄甲仗堆積如山賊復回據鐵爐坑十五日辰時多祚同葉楷等兵分布攻圍斬獲甚多賊徒妻女縊死者千餘賊尙據寨頂堅守不出遂四面舉火焚攻燒死

賊男婦約六七百人十九日多祚督百戶嚴約典史嚴潮等攻勦伯洪堡窠以遏清規救援賊首曾仲表遣弟仲仁詐降却伏賊衆於山逕俟間邀擊多祚偵知急令各兵嚴陣以待賊果衝突殺傷兵古良蕭經等九人嚴潮被殺傷左足各奮戰賊復大敗清規勢窮率各巢奔據樟木嶺汝蘭密會二道計議分哨夾攻賊敗走奔廣東地方官兵追至九曲水會水漲男婦爭渡溺死一千餘人獲渡者趨入羊石鑊鉞二寨清規率親信五六百人徑奔

銅鼓嶂皆廣東龍川縣所轄宋儂智高嘗據以爲巢先係清規分部出劫三省地方各約有賊三千餘助成犄角汝蘭與兵備密議遣千戶楊照百戶黃蘭領勁兵六千餘各從間趨前二寨圍守之而以大營兵屯劄於後隨調坐營王如澄把總李懋元合營先攻羊石寨自二十六日起架天車爲仰攻計賊堅壁不出至七月初一日夜分豫遣慣經偷營楊志等五六人潛至寨邊放火箭風猛火發各營斬關而入破之初四日破鑊鉞寨亦用火攻

燒死男婦積屍如山初六日破銅鼓嶂清規先一日□夜率親信長幹二十餘人欲走廣東八萬葫蘆峒爲隘兵所扼復於十三日夜潛回苦竹嶂茂林藏躲副總孔宗周偵知密賂賊長幹藍時佑通報的藏處所至十五日夜攻獲之清規自刎死仍行梟首傳示餘掌悉平

隆慶元年丁卯二月岑岡高砂諸窠告招撫許之

下歷旣干諸窠見兵仍駐龍信意持驚疑於是新民江月照謝允樟等率其部落數千人出至龍南

定南廳志

卷六

兵寇

三七

上蒙大龍等處寄置馳報掌龍南縣事同知龔有成乞招許之時諸賊至南雄保昌界沿途遣人赴告招詞甚哀切吳公乃檄郡守黃公躬詣龍南下令召至操場詰之曰汝等欲何各賊俯首曰願求一生敢有他志時值國喪黃公先已檄龍南縣置辦孝帽數千餘人與一帽且曰汝等知有君乎令解其佩刀頃刻堆至數千各給銀米若干仍親押至窠給官銀買牛安耕地方自此寧謐

二年四月下歷民張天祐謀叛知府黃宸計擒之

張天祐父張檠被寇殺祐趨龍南隆慶二年寇平復歸下歷殘孽李碧誘之曰吾等推汝爲首攻破下歷據城號召餘黨天祐聽之遂聚衆二百餘人敵血爲盟事露鎮守主簿陳宗臯星馳報府時已撤兵矣郡守黃公單騎直趨下歷先已馳檄劉清澗等各爲備又檄集龍南生員三十餘人就公館考校黃公將至主簿陳宗臯巡檢王守直迎之儆苦肉計佯責四十諸生亦攜筆硯至遂令就席聽試仍佯怒二生使賊不疑時天祐等十六人各持

兇器來見至公館外相謂曰在考秀才必無他意及見黃公給之曰汝本良民主簿妄報汝反故予來寧汝但汝無以自白遂取鷄令籲天鳴誓先伏健役於兩廊天祐等解兇器將誓俯伏堦前役持短棍趨出從腦後椎之仆地皆就縛解軍門梟示餘黨遂散

萬歷三年乙亥討黃鄉賊葉楷知縣洪可弼計獲賊總劉昂

八年六月龍川猴嶺賊鮑時秀叛知縣劉世懋立四隘

兵禦之

龍川自立和平之後無窠穴獷賊王仲剛以餘黨招亡命倚濁溪爲助勢猖獗仲剛懦時秀計殺之遂領其衆屢招屢叛萬歷八年嶺東道奉兩廣軍門檄行勦時秀出巢幾犯伯洪大石等處邑大震知縣劉世懋僉立陽陂磨刀流輦鴉鵲四隘令隘總劉清澗陳尙星徐元洪葉崇卿各督鄉兵百餘把截時秀懼不敢犯嶺以北皆獲平安

十三年十月和平黃蠻亂來犯縣境會惠州兵平之

定南廳志

卷六

兵寇

三九

十四年廣賊李珍李瓏聚衆作亂刼掠縣界奉檄會兵討之

十三年李珍等在和平縣下河徑謀殺羅緞客商告發捕緝聚衆據險作亂以上陵爲窠出刼龍川定南十四年奉南贛軍院發惠州把總曾本貫領兵一千協同定南城守機兵三百名一由下陵逕進一由下河桃樹圪進直搗上陵岑岡賊窠勦平之因設岑岡營兵鎮守

十五年知縣沙道初申勦和平賊因株殺生員李佩被

劾

三十二年大盜陽漂等肆劫下歷堡鄉勇張繕擒解府道

三十二年大盜陳上新大掠長寧縣令韓洵詳請各憲會勦追至大石堡鄉勇葉佳士擒之

三十九年大盜林保壽劉和尚大掠大石堡生員范繼純擒解三院縣令洪有觀以武功旌之

天啓五年廣賊丁添勝掠縣殺鄉民胡敬泉等七年廣賊鄒豹子出劫伯洪堡

定南廳志

卷六

兵寇

四十

崇正元年戊辰逆賊蘇丫婁邱囊計等先破安遠繼破下歷擄巡檢湯之訓殺戮多人本府金叅將同惠州鄧總兵勦平之

本年五月蘇丫婁攻破安遠尋破下歷攻圍本縣署縣事贛縣訓導嚴可象堅守不下把總董光同羊角營把總趙龍力戰而死虔院誅之曰惟汝與賊誓不俱生渾身是膽喝草成兵罵賊不屈含笑九京常山之舌睢陽之精無以報汝數語爲旌

二年九連山賊首痘癘總肆掠

三年流賊鍾三舍等擄掠熱水鎮村頭署縣事贛縣訓導嚴可象申請岑岡營及鄉勇征勦大敗
四年鍾三舍復寇縣境縣令陳日炳統領機兵鄉勇禦之賊遁

十六年何氏逃奴楊細徠以密密教倡亂聚眾攻下歷司城把總萬國輔請叅將何兼調羊角營撲滅之
順治元年甲申太平營董把總戰死於陣

三年冬賊總邱華袁萬陳鳳廖九發等領眾二萬餘攻縣三月署縣事贛縣縣丞吳啓泰堅守不下

定南廳志

卷六

兵寇

四一

四年賊總教師袁三總楊三赦等聚眾數萬圍縣四十餘日大兵至羣賊宵遁

五年戊子廣賊陳鳳等攻下歷殺生員賴明昇父子
六年正月賊首陳鳳廖九發張赤鬚楊大總方有圓等圍攻縣城以謝卜清爲內應城破縣令曹邦偉死之子姪家丁同死者十一人

七年廣賊陳鳳復犯縣署縣事王廷彥率鄉勇退之
八年廣東僞徐都等領眾賊出劫盤踞大石
方廣東六坊賊李時戴等於十五日夜丑時襲劫縣

城署典史蔡國相力戰被擒旋遭慘劊

十年正月八日縣令祝天壽督率鄉總賴先達等大敗賊衆於粗石獲賊兵器械無數悉解虔院

十三年正月長寧黃鄉賊刼殺大石堡

二月都御史佟國器因裁革定南下歷太平營官兵行縣設七堡練總操練民兵各鄉隘以固

七月黃鄉香山營賊侵定南大石堡隨刼安遠太平堡都御史佟國器發遊擊左雲龍授以方略領兵由鐵壠進勦擒斬甚多檄定南知縣祝天壽統鄉勇堵

定南廳志

卷六

兵寇

四二

於鵝公墟賊遁入九連山

十四年正月縣令祝天壽奉都御史佟檄集舊日士民入城縣治復興

十八年冬賊由龍川入境攻刼大石堡寨屠戮甚慘縣令祝天壽守備趙完璽合兵退之

康熙元年壬寅春賊復犯境縣令請兵救援贛鎮中軍莊天棟統兵敗之

三年九月流賊由九蓮山出刼衝城不克旋破劉輦圍殺傷甚衆縣令祝天壽請兵副將黃把什統兵進勦

於四年春三路進兵追至和平龍川等處直搗賊窠
斬俘甚衆

十三年廣賊黃斯勝流劫大石伯洪等堡縣令林堪率
三堡鄉勇敗之

十四年七月賊首黃斯勝復由和平縣下車從東南犯
境縣令林堪率高砂堡鄉勇并防城兵禦退之

十五年三月賊首徐命九李長青王百萬王龍光盧日
葵徐飛鈞朱和尚馬王溫袍等賊衆數萬直撼定南
城無兵救援縣令林堪率城中民死戰不克百姓扶

定南廳志

卷六

兵寇

四三

掖縣令帶印從間道夜遁下歷司賊隨據縣城合城
婦女幼穉俱爲賊掠時貢生廖汝錦妻駱氏年八十
死之四月賊衆擁至下歷司偪官獻印守備夏期生
統集營兵縣令林堪典史王聰統領鄉練總賴大元
鍾毓允盧熾合力血戰當殺賊首王龍光賊級數百
餘卽日逃遁又賊首朱和尚等陷境橫岡營督陣紅
旗黃雲黃先勤率兵勦殺逆賊數百餘級
五月賊復駐伯洪堡武舉繆光鐫率鄉練總任之遠
張明會大戰三日斬獲甚多

八月賊又駐大石堡繆光鐫又同鄉勇盧熾彭祖壽
敗之斬賊首王百萬兄弟獲僞印僞劄
九月賊衆攻破高砂礫頭圍鄉千總陳大緯等領衆
血戰斬賊甚多河水盡赤

十月賊首徐命九等勾引僞總兵楊正邦黃覺邇黃
斯標統賊數萬由信豐至龍南縣關西地方駐扎計
圖合哨進攻下歷擒捉文武兩官縣令林堪守備陳
虎把總余福百總黃志上黃雲偵知賊情密令各路
堵禦星夜點齊營兵遂統鄉千總賴大元鍾毓允鄭

定南廳志

卷六

兵寇

四四

國廉張明會邱道明張欽錫等并率鄉勇於五鼓出
其不意大敗賊衆於關西斬俘千餘獲僞印劄活難
民難婦無數賊遁橫江風門圯生員李開位率衆截
殺始走信豐徐命九等逃回廣東烏虎巢邑始安堵
十六年知縣林堪奉將軍舒總兵哲檄領千總黃中槐
典史王聰百總黃志上鄉千總賴大元鍾毓允等招
集難民難婦歸城縣治復興

七月典史王聰百總黃志上前往龍川鐵籠招僞逆
盧日葵等至下歷司獻銅印一顆僞劄一張繳院鎮

論曰自古禍亂之興雖曰天運豈非人事哉考諸
舊志定南當明正德以前兵寇猶少正德以訖
崇禎抑何兵寇之多也得毋明之季世政事紛
紜盜賊所在蠡起而桀鷲者遂得乘間竊發歟
國初順治三年克贛定南已入版圖而餘孽未除
廣賊不靖破城者三劫印者再至康熙十五年
天威遠震遂得撲滅淨盡迄今百餘年間耳不聞桴
鼓之聲目不睹干戈之事治化之明效大驗於
此見矣然豐滋日久萌孽或生雖

定南廳志

卷六

兵寇

四五

光天之下魑魅不得呈其形而當事者可不防微杜
漸於未亂之先以仰體

朝廷治益求治之至意歟舊以兵寇合祥異爲一志
而委其事於天竊深懼乎後之有司者優柔玩
忽而不思盡人事以弭之也故另志而論之

祥異

有降自天祥戾分迹景卿醴芝水旱疾疫隨所見聞
并著載籍孰異孰常可慶可惕

聖世階平鴻庥敷錫迎瑞召和消沴去厄十雨五風衢歌
壤擊化宇嬉遊永承膏澤志祥異

唐以前闕

宋

政和元年虔州芝草生宋史五行志

紹興二年虔州霖雨連春不止宋史五行志

定南廳志

卷六

祥異

四六

紹興二十一年虔州產蓮同蒂異萼冊府元龜

紹興二十五年贛州獻太平木其文曰天下太平時綱目

乾道九年贛州久旱無麥苗秋贛州螟豫章書

淳熙十一年四月不雨至於八月吉贛皆旱宋史五行志

紹熙四年自夏及秋江西九州三十七縣皆水豫章書

嘉定十四年江西旱贛州為甚府志

嘉定十五年五月不雨至七月贛州大旱府志是年秋

贛州螟五行志

元

至元十七年贛州蝗 元史本紀

延祐二年贛州等路饑 元史本紀

至治元年贛州霪雨 豫章書

泰定元年贛州南安等路饑 元史本紀

泰定二年贛州饑 元史本紀

泰定四年二月贛州諸路饑 元史本紀

明

洪武六年十一月贛州民呂氏手植白牡丹於冰雪中

盛開

定南廳志

卷六

祥異

四七

天順六年大旱是歲饑 府志

正德三年雨雹如拳黑風捲屋 牛馬多被擊死 江西通志

正德八年春至秋大疫民死亡者過半 府志

萬歷三十二年歲大饑縣令葉夢熊申請大發倉穀十

二廩賑之 舊邑志

國朝

順治七年十一月二十五日夜地震 舊邑志

康熙十八年大荒民食樹葉知縣林堪詳上布政司王

發銀二百兩贛南道任發銀八十兩賑濟饑民林

又捐俸糴米煮粥賑濟

舊邑志

康熙十九年大旱知縣倪長犀祈禱澍雨立應

舊邑志

康熙六十年大旱自四月至八月始雨

雍正元年四月大水淹壞民居禾苗

乾隆 年大水衝倒沙頭圍

乾隆三十四年大饑民情洶洶都閩諾爾布巡檢孔時

宜冒雨下鄉勸富戶捐賑減糶民賴以安

乾隆五十九年甲寅螟秋九月隕霜穀不實

乾隆六十年乙卯春夏饑斗米千錢黃沙口八家捐米

定南廳志

卷六

祥異

四八

施粥減價平糶知府景 裕運米二百石賑濟

秋大熟

嘉慶九年甲子大水陰雨連綿米斗五百文鹽每觔一

百二十文

十年乙丑米斗六百文

十二年丁卯十二月十九日申時天鼓鳴

十六年辛未七月彗星見西北至九月没

二十五年庚辰春夏旱少禾雜糧大熟民賴不饑

道光元年辛巳三月五星聚奎璧 大熟

二年壬午穀斗八十餘文

四年甲申四月明倫堂木芙蓉華

五年乙酉正月朔大雨雷 二月甲子大雨雹

三月黃姓民一產三男廖姓民一產二男一女

四月明倫堂木芙蓉再華一萼五色

論曰天地犬矣何所不有氣數之會有發之而爲祥有發之而爲異小視之不過爲適然之事大言之亦正自得其常然耳乃古今紀事於祥異必謹書之何也入處天地之中天地之祥異卽

定南廳志

卷六

祥異

四九

斯人之祥異其顯然爲災爲福者無論至於幽而不可測遠而若無關而皆不出乎相與之際先儒所謂春秋不言事應而事應具存固不敢以爲適然而不念亦不可以爲常然而忽之故公穀之說一以爲祥一以爲異謹戒之意於斯至矣雖然何謂祥民和年豐斯爲祥何謂異民訛年饑斯爲異

國家道化誕敷山陬海澨民德歸厚年穀屢穰間或偶缺所以化導而補救之者又無不至惟有

祥之可書安有異之足錄然休徵協應太平之
盛美也小物失常君子亦存心焉况事沿往代
書在曩編彙記之以備觀風者之省覽云爾

朱志

定南廳志

卷六

祥異

五十

卷之六終